



03. Oktober. 2018

UKA 2018/197 aamma 198

Bentiaraq Ottosen

pkt197

**Uunga siunnersuut: Qamutit motorillit akileraarutaat pillugit Inatsisartut inatsisaata allangortinneqarneranik Inatsisartut inatsisaat nr. xx, xx. xxx 2018-imeersoq. (Qamutit motorilinnut taamaallaat innaallagissamik brintimilluuniit ingerlatilinnut plug-in hybridbiilinnullu akitsuut kiisalu igitassanngortitsinermi akiliut)**

pkt198

**Uunga siunnersuut: Eqqussuinermi akitsuutit pillugit Inatsisartut inatsisaata allangortinneqarnera pillugu Inatsisartut inatsisaat nr. xx, xx. xxx 2018-imeersoq. (Plug-in hybridbiilit akitsuutaat, biilinnut innaallagissamik imaluuniit brintimik ingerlatilinnut akitsuummik akiliisussaanninneq kiisalu qamutit motorillit nunaannakkoortit minnerusunut akitsuutaanik atorunnaarsitsineq)**

(Aningaasaqarnermut Naalakkersuisoq)

Atassut-imit isumaqarpugut qamutit motorillit akitsuutaasa siunissami

appartikkiartuaarneqarnissaat anguneqassasoq, soorlu oqartugut siunissami naatsorsuutigineqassaaq qamutit motorillit innaallagissamik imaluuniit brint-imik ingerlatilinnut plug-in hybridbiilit nunatsinni atorneruleralluttuinnarnissaat inuiaqatigiinni orniginarnerpaajussasoq.

Maannakkut oqallinnitsinni akitsuusersorneqarnissaat oqallisigaarput, apeqqutaaginnaleqqavorli ilumut akitsuusersorneqarpata akigititaasut naapertuunnersut, taamatulli naatsorsuutigineqassasoq inuiaqatigiit akornanni plug-in hybridbiilinnut ornigisaqassanersut imaluuniit naliginnaasumik qamutit motorilinnut benzin-atortuusunut, petrolium-itortuusunut, diesel-ilitortuusunullu ornigisaqarnerussanersut.

Qamutit motorillit pinngortitamut mingutsitsinnginnerusut akitsuusersunngikkallarnissaat pingaaruteqarpoq, tassa avatangiisinut innarliinata CO<sub>2</sub>-mik aniatitsinerput akiorniarlugu annikillisaanissaq aqqutigilissagatsigu taamaammatt akitsuusersugaannngikkallarnissaat pingaaruteqarpoq.

ATV-t akitsuusersorneqarunnaarnissaannik siunnersuutigineqartoq taperserparput. Taamaattorli eqqartorneqarluartariaqarpoq, akitsuuteqarunnaarnerini atugaanerulissappata sumiiffinni



assigiinningsuni pinngortitamut uumasunullu piniagassanut qanoq ajoqutaasinnaanerat  
pinaveersaartissallugu anguniarneqassanersoq.

Atassut-imit isumaqarpugut inatsisissaq pitsaanerpaamik siunertaminullu tulluartumik  
inerneqassappat ataatsimiititaliami sukumiissumik suliarineqarluartariaqartoq. Taamatut  
oqaaseqarluta aningaasaqarnermut ataatsimiititaliamut ingerlateqqinnissaa innersuutigaarput.